

Munck Íslandi ehf.  
Hlíðasmára 4  
201 Kópavogur

Reykjavík, 23. janúar 2020  
UST201912-038/H.R.A.  
08.08.02

### Efni: Samþykkt úrbótaáætlun

Umhverfisstofnun vísar í bréf sitt frá 6. desember sl. þar sem áformað var að áminna rekstraraðila vegna frávíka er fram komu í eftirliti þann 18. september 2019 og 10. október 2018. Þann 10. janúar 2020 barst úrbótaáætlun rekstraraðila.

Frávík frá eftirliti 2019 eru eftirfarandi:

1. Gr. 2.3 í starfsleyfi. Tryggja skal að starfsfólk fái kennslu og æfingu í að bregðast við mengunaróhöppum. Fram kom í eftirliti að engin námskeið væru haldin. **Samkvæmt úrbótaáætlun stendur til að halda námskeið fyrir starfsfólk malbikunarstöðvar um viðbrögð við mengunaróhöppum. Áætluð verklok eru 1. maí 2020.**
2. Gr. 2.3 í starfsleyfi. Umgengni skal vera snyrtileg á rekstrarsvæði. Skipulag og umgengni um rekstrarsvæðið eru ekki í samræmi við kröfur í starfsleyfi, svæðið er illa skipulagt og umgengni slæm. **Samkvæmt úrbótaáætlun er unnið að frágangi lóðarinnar og stendur til að lóðin verði frágengin áður en framleiðsla hefst aftur í vor. Áætluð verklok eru 1. maí 2020.**
3. Gr. 2.5 í starfsleyfi. Rekstraraðili skal vera með viðbragðsáætlun sem unnin er á grundvelli áhættumats þar sem taka skal á hugsanlegri hættu á bráðamengun og hvenær tilkynna skuli um mengunaróhöpp til Umhverfisstofnunar. Viðbragðsáætlun var ekki tiltæk við eftirlit. **Samkvæmt úrbótaáætlun verður lokið við viðbragðsáætlun um mengunaróhöpp samkvæmt leiðbeiningum Umhverfisstofnunar 1. maí 2020.**
4. Gr. 4.1 í starfsleyfi. Rekstraraðili skal hafa eftirlit með rekstrarþáttum sem geta haft í för með sér mengun eða losun efna út í umhverfið. Skrá skal reglulega upplýsingar, t.d. í rekstrarhandbók og skulu skráningar vera aðgengilegar eftirlitsaðila. Engar skráningar eru gerðar hjá rekstraraðila. **Í úrbótaáætlun er vísað til viðauka II, þar sem er að finna lýsingu á því verklagi sem viðhaft er til þess að fylgjast með virkni reykhreinsivirkis. Niðurstöður innra eftirlits verða skráðar á meðfylgjandi eyðublað. Verður bætt úr frávikinu fyrir 1. maí 2020.**
5. Gr. 4.2 í starfsleyfi. Mælingar skal gera einu sinni á ári vegna losunarmarka í gr. 3.6 og 3.7. Mælingar hafa ekki farið fram. **Samkvæmt úrbótaáætlun munu útblástursmælingar fara fram um leið og full framleiðsla fer í gang að nýju. Í síðasta lagi fyrir 31. maí 2020.**
6. Gr. 4.8 í starfsleyfi. Rekstraraðili skal færa grænt bókhald í samræmi við reglugerð nr. 851/2002 um grænt bókhald. Niðurstöðum skal skila árlega. Grænu

bókhaldi hefur ekki verið skilað. **Samkvæmt úrbótaáætlun verður grænu bókhaldi vegna rekstraráranna 2018 og 2019 skilað 1. maí 2020.**

Frávikin frá eftirliti 2018 eru eftirfarandi:

1. Gr. 2.3 í starfsleyfi. Umgengni skal vera snyrtileg á rekstrarsvæði. Skipulag og umgengni um rekstrarsvæðið eru ekki í samræmi við kröfur í starfsleyfi, svæðið er illa skipulagt og umgengni slæm. **Samkvæmt úrbótaáætlun er unnið að frágangi lóðarinnar og stendur til að lóðin verði frágengin áður en framleiðsla hefst aftur í vor. Áætluð verklok eru 1. maí 2020.**
2. Gr. 2.3 í starfsleyfi. Samkvæmt gr. 2.3 á aðgangur óviðkomandi á svæðinu að vera bannaður. Við lóð malbikunarstöðvarinnar var skilti sem á stóð að aðgangur óviðkomandi væri óheimill en engin girðing er um lóðina og telst skiltið eitt og sér ekki fullnægjandi til að tryggja að óviðkomandi komi ekki inn á svæðið. **Samkvæmt úrbótaáætlun verður girðing sett upp á lóðarmörkum ásamt því að aksturshlið verða sett upp við inn og útkeyrslur. Eingöngu starfsmenn rekstraraðila munu hafa aðgang að lóðinni. Áætluð verklok úrbóta er 1. apríl 2020.**
3. Gr. 2.3 í starfsleyfi. Samkvæmt gr. 2.3 eiga akstursleiðir á svæðinu að vera malbikaðar en svo er ekki. **Samkvæmt úrbótaáætlun stendur jarðvinna yfir á svæðinu og akstursleiðir verða malbikaðar um leið og framleiðsla hefst í vor. Áætluð verklok eru 1. maí 2020.**
4. Gr. 3.2 í starfsleyfi. Í gr. 3.2. í starfsleyfi segir að rykmengun skuli haldið í lágmarki með því t.d. að reisa skjólveggi eða nota vökvunarbúnað sem þolir frost og íslenskar veðuráðstæður. Á staðnum voru nokkrar slöngur sem starfsmenn höfðu notað til að vökva hráefnahauga en það er ekki fullnægjandi. **Samkvæmt úrbótaáætlun verða lagnir fyrir vökvunarkerfi lagðar á lóðamörkum samhliða girðingavinnu í samræmi við fyrirbyggjandi rykbíndiáætlun. Vatnsbyssur hafa verið keyptar og til stendur að setja upp a.m.k. 3 af 5 vatnsbyssum áður en fyrsti steinefnafarmur kemur í vor. Áætluð verklok úrbóta er 1. apríl 2020.**
5. Gr. 3.7 í starfsleyfi. Í gr. 3.7 segir að úðun vörubílsþalla skuli fara fram á olíuheldu áfyllingarplani með niðurfalli tengdu við olíuskilju. Ekki er til staðar neitt plan fyrir úðun vörubílsþalla heldur fer það fram á mól. **Samkvæmt úrbótaáætlun mun úðun vörubílsþalla með repjuolíu framvegis fara fram á steypu/malbikuðu plani sem tengt er við olíuskilju. Áætluð verklok úrbóta er 1. maí 2020.**
6. Gr. 3.8 í starfsleyfi. Samkvæmt gr. 3.8 á frágangur á geymum og lögnum fyrir eldfima vökva að vera í samræmi við reglugerð nr. 884/2017. Í gr. 43 í reglugerðinni er varðar kröfur til lausageyma segir að öruggar mengunar-, árekstrar-, eld- og slysavarnir skuli tryggðar við rekstur lausageyma. Við malbikunarstöðina voru tveir lausageymar sá malarplani án nokkurra árekstrar eða lekavarna. **Samkvæmt úrbótaáætlun munu lausageymar sem staðsettir verða á lóðinni tímabundið eða til lengri tíma vera staðsettir innan árekstrarvarna.**
7. Gr. 4.2 í starfsleyfi. Samkvæmt gr. 4.2 á að vera til staðar verklag eða tæknilegar lausnir til að fylgjast með virkni reykhreinsivirkis. Ekki er neinn slíkur búnaður eða verklag til staðar hjá rekstraraðila. **Í úrbótaáætlun er vísað til viðauka II, þar sem er að finna lýsingu á því verklagi sem viðhaft er til þess að fylgjast með virkni reykhreinsivirkis. Niðurstöður innra eftirlits verða skráðar á meðfylgjandi eyðublað. Verður bætt úr frávikinum fyrir 1. maí 2020.**

7. Gr. 4.3 í starfsleyfi. Í gr. 4.3 í starfsleyfi segir að setja skuli upp myndavélaeftirlit til að fylgjast með rykmyndun á svæðinu. Þetta myndavélakerfi er ekki til staðar. **Samkvæmt úrbótaáætlun verður komið fyrir myndavélabúnaði við vestari innkeyrsluna inn á Álhelli 18 sem mun beinast að þeim hluta lóðarinnar sem tilheyrir malbikunarstöðinni og fylgjast með rykmyndun. Áætluð verklok úrbóta eru 1. apríl 2020.**

**Umhverfisstofnun fellst á úrbótaáætlun rekstraraðila en úrbætur vegna frávikanna verða teknar út í næsta eftirliti.**

Verði frávikum ekki lokið eða ef áætlun um úrbætur gengur ekki eftir mun Umhverfisstofnun halda áfram með eftirfylgni þaðan sem frá var horfið.

Gjald fyrir vinnu sérfræðings við eftirfylgnina verður innheimt samkvæmt gjaldskrá Umhverfisstofnunar nr. 535/2015, með síðari breytingum. Gjaldið er **52.800 kr.**

Umhverfisstofnun bendir á að bréf þetta verður birt á heimasíðu stofnunarinnar.

Virðingarfyllst



Skúli Þórðarson  
Sviðsstjóri



Helga Rut Arnarsdóttir  
Lögfræðingur

Afrit: Heilbrigðisnefnd Hafnarfjarðar- og Kópavogssvæðis